

KR1M diserbu

Jelajah

Janji Ditepati



BATU PAHAT: Kedai Rakyat 1Malaysia (KR1M) antara gerai yang mendapat sambutan hangat pengunjung sempena program Jelajah Janji Ditepati (JJD) anjuran Media Prima Berhad (MPB) yang berlangsung di perkarangan Stadium Batu Pahat, di sini, semalam.

Tinjauan Harian Metro mendapati, ratusan pengunjung tidak melepaskan peluang membeli lebih 100 produk barangan keperluan harian yang disediakan pada program sehari itu.

Malah, seawal jam 8 pagi

lagi, orang ramai membanjiri booth KR1M untuk mendapatkan barangan keperluan harian walaupun ia hanya dibuka jam 9.30 pagi.

Penjawat Awam, Abd Latif Raja Abd Aziz, 55, yang berkunjung bersama isteri dan empat anak turut tidak melepaskan peluang membeli barangan keperluan harian pada harga murah.

“Saya berpendapat, KR1M perlu diwujudkan di daerah ini bagi memberi peluang kepada penduduk membeli barangan keperluan harian pada harga murah.

“Saya juga dapati barangan



SAMBUTAN HANGAT... orang ramai memenuhi booth KR1M untuk mendapatkan barangan keperluan harian.

dijual di KR1M berkualiti, pada masa sama ia juga buatan Malaysia,” katanya.

Sementara itu, Pengurus Jabatan Pemasaran dan Komunikasi KR1M, Sabariah Mohd berkata, pihaknya gembira dengan sambutan menggalakkan daripada pengunjung.

“Booth ini diwujudkan sempena program ini dan ia mendapat sambutan luar du-

gaan. Kami tidak menolak kemungkinan mengusulkan kepada Kementerian Perdagangan Dalam Negeri, Koperasi dan Kepenggunaan (KPDNKK) untuk mewujudkan KR1M di daerah ini.

“Antara produk KR1M yang mendapat sambutan dan permintaan tinggi ialah kordial buah-buahan, sardin, jem, beras, bahan pencuci dan gula,” katanya.